



## **Aningaasaqarnermut Nunanilu Avannarlerni Suleqatigiinnermut Naalakkersuisoq**

**Ulloq:** 22. oktober 2019  
**J.nr.:** 01.31.06/19-00853

### **Aningaasaqarnermut Akileraartarnermullu Ataatsimiititaliap ataasinngornermi ulloq 14. oktober 2019-imi aalajangiineranik Naalakkersuisunut ilisimatitsineq.**

**Isummernissamut tunngavissiami naqqiut: Kiffartuunneqarnissamut isumaqatigiissut  
tinik pitsanngorsaaneq kiisalu kontumi pingaarnermi 20.11.70 Suliniutinut nutaanut  
sillimmatit, kontumi pingaarnermi 72.20.05 Ilaasunik angallassinermut tapiissutit,  
kontumi pingaarnermi 87.73.22 Mittarfeqarfiit, mittarfiit, kiisalu 87.73.12 Umiar-  
sualivinnut talittarfinnullu aningaasaliissutit, missingersuutinut sunniuteqaanngitsumik  
nuussineq – Suliaq nr. 01.31.06/19 – 00853.**

”Naalakkersuisut **inassutigaaat,**

- Aningaasaqarnermut Akileraartarnermullu Ataatsimiititaliap 2019-imut 8 mio. koruunit atugassanngortinneqarnissaat akuerissagaat,
- kontumi pingaarnermi 20.11.70 Suliniutinut nutaanut sillimmatit, aningaasaliissutit 2019-imi 8,0 mio. koruuninik ikilisinneqassasut, aamma
- kontumi pingaarnermi 72.20.05 Ilaasunik angallassinermut tapiissutit, aningaasaliissutit 2019-imi 2,15 mio. koruuninik amerlisinneqassasut, aamma
- kontumi pingaarnermi 87.73.22 Mittarfeqarfiit, mittarfiit, suliassami nutaami nr. 996.25.209 Utaqqisarfiit, aningaasaliissutit 2019-imi 5,5 mio. koruuninik amerlisinneqassasut, aamma
- kontumi pingaarnermi 87.73.12 Umiarsualivinnut talittarfinnullu aningaasaliissutit, suliassami nutaami nr. 996.24.134 Utaqqisarfiit, aningaasaliissutit 2019-imi 0,35 mio. koruuninik amerlisinneqassasut.”

### **Aningaasaqarnermut Akileraartarnermullu Ataatsimiititaliap oqaaseqaatai apequtaalu:**

Suliap matuma akuerineqarsinnaannginnera aalajangiinini pillugu allakkiamini ulloq 22. oktoberimeersumi ataatsimiititaliap nalunaarutigaa. Kiisalu suliaq pillugu apequtininik pi-aartumik nassiussisoqassasoq ataatsimiititaliamit paasissutissiissutigineqarpoq.

Ilassutitut aningaasaliissuteqarnissamik qinnuteqaammi pineqarput aningaasat konto pingaarnermi 20.11.70-imi, suliniutinut nutaanut sillimmatinut tunngasumi, sillimmatitut immikkoortinneqarsimasut atugassanngortinneqarnissaa. Ataatsimiititaliamit Naalakkersuisunut eqqaasitsissutigineqassaaq 8 mio. kr.-it taakku pineqartut sillimmatitut immikkoortineqartut ilaasunik angallassinermi kiffartuussinissamut isumaqatigiissutit pitsanngorsarneqarnissaannut atugassatut naatsorsuussaammata aammalu aningaasat taakku konto pingaarnep 72.20.05-ip ataani atugassaammata, soorlu tamanna Inatsisartunit akuersissutigineqartoq. Aningaasaliinermi tunngaviit taakku aallaavigalugit suliassaq ataatsimiititaliamit suliareqarpoq.

Kiffartuussinissamik isumaqatigiissutinik pitsanngorsaanermut 8 mio. kr.-init 2,15 mio. kr.-iinnaat atugassiissutigineqarnissaat Naalakkersuisut taamaallaat qinnutigaat. Taarsiulluguli aningaasat amerlanerpaartaat siunertanut allanut atorneqarnissaat Naalakkersuisut kissaatigaat.

Ilaasunik angallassinermut tapiissutit pisortat timmisartuussinineranni umiarsuarmillu angalassininerani isumaqatigiissuteqarnissamut atugassatut naatsorsuussaammata ataatsimiititaliamit Naalakkersuisunut eqqaasitsissutigineqassaq. Aningaasanut inatsimmi oqaasertaliussaq naapertorlugu ornigassanut ukununnga pingaarnertut tunngavilersuutaasut malillugit kiffartuussinissamut isumaqatigiissutinut tapiissutit tunniunneqassapput:

- Angallannikkut periarfissaqartussaangikkaluanut.
- Akit pissutigalugit angalasinnaangitsorpassuarnut.
- Akuttunerusumik tikinneqartartussaagaluanut.

Suliap 2018-imi Naalakkersuisunit ilisimaneqalereenera eqqarsaatigalugu taama kingusitsigisukkut 8 mio. kr.-it taakku Naalakkersuisunit atorfissarsineqarsinnaasimanginnerat ataatsimiititaliamit assorsuaq tupigusuutigineqarpoq. Naalakkersuisut isumassanik amigaateqarpata assersuutigalugu pissutsit makku pitsanngorsarneqarnissaat isumaliutigeqqullugu ataatsimiititaliap Naalakkersuisunut kaammattuutigissavaa:

- Kiffartuussinissamik isumaqatigiissutip iluani Upernaviup Uummannallu kiffartuunneqarnerat.
- Assersuutigalugu Upernaviup Uummannallu eqqaanni kaperlannermi ajornartorsiutini aqqiinissaq.
- Qanaap eqqaamiuinillu kiffartuussineq.
- Nanortalimmik ukiuunerani kiffartuussinermi ajornartorsiutaasunik annikillisaaneq.

Matuma kingorna qinnuteqaammik aningaasaliinermi siunertarinqartunut, Inatsisartunit 2019-imi aningaasanut inatsimmut atatillugu akuerineqartunut, naapertuuttumik takusaqarnissani ataatsimiititaliap qilanaaraa.

Qinnuteqaatip matuma inuiaqatigiinnut pingaaruteqassusia eqqarsaatigalugu ataatsimiititaliap isumaa malillugu qinnuteqaat ima siusitsigisukkut nassiunneqarsimasariaqaraluarpoq kiffartuussinissamut isumaqatigiissutinik pitsanngorsaanissamut aningaasanik immikkoortinneqartunik inuiaqatigiit iluaqutissinneqarlutik.

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqangillat.**

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua